



Page: 23

Reach: 50000

Country: BOSNIA AND HERZEGOVINA

Size: 336 cm2

1 / 1

Nakon što su identificirani počinioci krivičnog djela

# Senad Kreho ne zna zašto su ga htjeli ubiti

Cvijana sam nekoliko puta sreo, a Obućinu i Ramića ne poznajem

Državna agencija za istrage i zaštitu (SIPA) prosljedila je Tužilaštvu BiH izvještaj protiv Bojana Cvijana (37), Dragana Obućine (36) i Muhameda Ramića (40) zbog pokušaja ubistva sarajevskog advokata Senada Kreha u septembru 2011. godine. Glavni osumnjičeni za napad na advokata Krehu nedostupan je bh. pravosuđu, jer se ne nalazi u BiH.

No, motiv zbog kojeg bi ova četvorka htjela ubiti Krehu još je nejasan.

## Prepoznao osobu

Navodno je, kako tvrdi izvor "Avaza" blizak istraživač, jedan od osumnjičenih u akciji "Lutka" ispričao istražiteljima da je kazao Bojanu Cvijanu da mu neki "Šiptar" duguje novac i da ga treba pritegnuti. Nakon toga je pucao u Krehu.

Cvijana sam nekoliko puta sreo dok je radio u SIPA-i. No, nikada nismo imali neki sukob. Ostalu dvojicu ne poznajem i šokiran sam da su oni počinioci djela, a ne znam ni razlog zbog kojeg su me htjeli ubiti.

Osobu koja je u bijegu i koja me je pokušala ubiti iz pištolja, identificirao sam u



S uviđaja iz septembra 2011. godine: Napad u centru Sarajeva

prostorijama SIPA-e na fotografijama, ali ne znam mu ime. No, vjerujem u profesionalni rad policijskih agencija i da poduzimaju

sve kako bi rasvijetlili ovaj slučaj. kazao je jučer advokat Kreho u izjavi za "Avaz". Osumnjičena trojka optužena je u predmetu "Lutka",

**Kreho: Vjerujem u rad policijskih agencija**

gdje je Kreho branilac Anesa Kurbećevića, koji se

tom predmetu sumnjiči za brojne pljačke.

- Optužnicom koja je podignuta, ovaj pokušaj ubistva nije obuhvaćen, jer će to biti poseban predmet tako da nema zakonskih prepreka da branim Kurbećevića u predmetu "Lutka" - dodao je Kreho.

**Vidović: Cvijan nije imao sukob s Krehom**

Vasvija Vidović, advokat Bojana Cvijana, kaže je njen klijent tokom davanja

iskaza u potpunosti negirao da je počinio krivično djelo pokušaj ubistva Krehe. - Moj klijent poznaje advokata Krehu, jer je radio u SIPA-i. Ali, s Krehom nikada nije komunicirao niti je imao sukob s njim, kao ni razlog da ga ubije - kazala je Vidović.

## Zakazao okidač

Podsjećamo, Kreho je napadnut 8. septembra 2011. godine u kafani "Pravda" u Radićevoj ulici u centru Sarajeva. Napadač je prišao Krehu s pištoljem u ruci s namjerom da puca.

Navodno je zakazao okidač pa je udario advokata drškom pištolja u potiljak i pobjegao. **Am. KOVAČ**